

Latgolys Radeja byus!

Tei latgaļišu volūdā raideis informatīvi-muzikālu programu. Uzjāmuma juridiskā adrese ir Jersikā, Radejis stacejis redakceja dorbōsīs Rēzeknē, un tei byus dziedama nu Vydzemis augstīnis leidz Zylupei un nu Igaunejis leidz Leitovys rūbežai. Dziedzēt tū varēs pusmiljons cylvāku, lai gon latgaļišu itamā teritorejā dzeivoj treis reizis mo-zōk. Paradzāts uzstōdeit četrus raideitōjus: pi Bolvu, Rēzeknis, Jākubpiļs un Daugovpiļs. Tū dziedēt varēs, sōcūt ar 2006. goda pavasari.

Tagad laiceig-gajā dzeivē it kai nav Latgolys, jo administratīvā leimenī pazeistam rajonus, piļsātys, nūvodus un pogostus. Labi vēļ, ka kultūrys laukā tū pīnymam, bet Dzišmu svātkūs varakļōnīši tik un tai it Vydzemis kolonā. Tikai goreigā ziņā ar Rēzeknis-Aglyunys diecezi Latgola sasaglobōjuse leidz myusdīnom. Kaut Latgolys it kai nav, latgaļiši tūmār ir un vysai padaudz. Ļauds, kuri runoj latgaliski, ir ap 400 000 - treis reizis vairōk nakai Latgolā dzeivoj latvišu. Vīneigi 70 godu ilgō normeitōs volūdys pīspīdu slōpēšona, nycynōšona un ignorēšona ir pamatuse sovys pādys, un tagad vaira viņ ratais mōk latgaliski laseit un raksteit. Tys līk daudzim šau-beitīs par latgaļišu volūdys tradiceju sasaglobōšonys īspieju. Naleis entuziastu pulceņš vēļ miegynoj apturēt itū ar preču vilcīņa spēku viersā skrinūšu katastrofu.



Latgolys Radejis veidōtōji atbolsta entuziastu pyulis, bet poši uzskota, ka lobōk ir navys pīminēt aizgōjušūs laikus un navīnmiereigā ceinā mieginōt kū par lobu grīzt, bet pasavērt, kas myusim ir tagad un kū varim dareit, pat naejūt ceikstētīs ar cytim. Tai viereigi pasaverūt, atsaklōj, ka latgaļišu volūda vēļ plašūs apgobolūs dzeiva, tū lītoj kai sātā, tai izīlys, bazneicōs un īstōdēs, i dažvīt pat sarunōs ar cyttautīšim. Prūtams, volūdys lītōtōju skaits īt mozumā, seviški jau jaunīšu stor-pā, un vys mozōk

palīk taidu cylvāku, kurim latgaļišu volūda ir jūs dzymtō, pyrmō un vīneigō voi svareigōkō volūda. Tūmār attīceibā izrunōtū vōrdu latgaļišu volūdys stōvūklis nav bezcereigs. Vajadzeigs ir tikai kaidis impulss, lai caltu volūdys lītōtōju poš-apziņu. Parōdūt, ka runōtōju ir cīši daudz, un tū lītoj kai zemnīks, tai uzjiemiejs, kai kultūrys darbinīks, tai politikis, var padareit daudz kū pozitīvu. Papyldus pādejūs godūs blokus jau ilgu laiku atzeitajai latgaļišu folklorai nūsastōjuse ari latgaļišu izklaidis muzyka un tagad pasarōda pat tōs vysmodernōkōs izpausmis. Muzyku pījam kai Latgolā, tai ōrpus tōs, un pat ļauds, kuri naprūt latgaliski un nav ar saimīs saiteiti ar Latgolu.

Deļ tō ir izveidōts uzjāmums SIA "MG Latgolas Bolss", lai ar Radejis paleidzeibu radeitu īspieju latgaļišu runōtajam vōrdam izskanēt tōli pōri kotrys sātys un

pasōkuma vīty rūbežom. Jaunō Radeja spēlē muzyku, īpaši pīsavieršūt Latgolys autoru un izpiļdeitōju dorbim, bet tikpat vīty atvēlēš runōtajam vōrdam. Tod ari dziedēsims, kaida skaņ Latgola: kū ļauds dora, dūmoj un kaidi jūs sapyni un ilgys. Radeja byus demokratiska, kotrys varēs runōt taidā volūdā voi izlūksnē kaidā grib i mōk, vīneigi poši programu vadeitōji – dīdžei pīsatūrēs tikai pi latgaļišu volūdys. Tod ari eistyn saprassim, cik, kur un kaidā mēlē runoj ļauds Latgolā.

Valdis Labinskis
SIA "MG Latgolas Bolss"

Foto: Latgolys Radejis nūsaukuma konkursa izvirteišonys komiseja: Rēzeknis 1917.goda Latvejis apsavinōšonys kongresa vodīšō daleibnīka, 1. Saeimys deputata Fraņča Kempa dāls Leopolds, Latgolys Radejis veidōtōjs Valdis Labinskis un Leivōnu folklorys ansamblja "Ceiruleits" vadeitōja Anna Kārklā.

Informaceja:

Dr. Jānis Dimants, 2330 Innsbruck Parkway, Minneapolis, Minn. 55424, tālr.: 001-612-574-9110, dimants@hotmail.com.

Valdis Labinskis, "Labieši", Jersikas pag. LV-5315, mob. (00371) 9902196, vlabinskis@yahoo.com

Valdis Labinskis dzimis 1957.g. Sibīrijā, 1966.g. izceļojis uz Vāciju. Mācījies Minsteres Latviešu ģimnāzijā, arī studējis Minsterē, Minhenē un latgaliešu valodu apguvis Kalamazū. No 1983. līdz 2004.gadam darbojies *Radio Brīvā Eiropa* Minhenē, Prāgā un Rīgā. Bijis Latviešu Katōļu Studentu un Akadēmiku Apvienības "Dzintars" prezidents, trimdas kopienas pado-mes (LCP) un valdes (LCK) loceklis Vācijā, Eiropas Latviešu Jaunatnes Apvienības priekšsēdētājs. 2004.gada pavasarī atgriezies Latvijā un pašlaik ir "Deutsche Welle" korespondents Baltijas valstīs.

Nazkod isātais deigst ari šudiņ...

Pyrma symts godu dīnys gaismu īrau-dzeja īpriķšējōs Latvejis atmūdys darbi-nīka Fraņča Kempa izdūtō pyrmō Latgolys latvišim dūmōtō laiceigō avīze "Gaisma".



Tys beja svareigs nūtykums latgaļišu dzeivē gon tōlajā Pīterburgā, kur avīze tyka drukōta, gon pošā Latgolā. Cylvāki puļ-cējōs kūpā, lai tū laseitu i pōrlaseitu vēļ i vēļ, cikom tōs lapenis palyka plōnys kai zaidpapeirs, a zemnīku i Picera fabriku strōdnīku sirdīs sōce mūstīs prīca par sovys tautys tīkšonūs piec izgleiteibys i gora gaismys. Niu, kai augšōkmyņatājā informacejā izlasejom, mes esim Latgo-lys Radejis dzimšonys dīnys priķsvokorā, a biļdeitē radzamūs cylvāku vydā ir Fraņča Kempa dāls Leopolds, kurs, pīpaleidzūt sovam unukam Aleksandram, ari teiši šū-god (piec 100 godu nu avīzis izīšonys), ir digitaliziejs tāva Fraņča i mōtis Konstan-cis Daugulis-Kempys rokstus i fotoma-terialus. Tagad vysim interesentim i kul-turviesturis pietnīkim tī ir pīejami kom-paktdiskā. Tei tok ir breineiga dōvona gon Sibirejis liegerūs nūmūceitajam tāvam, gon par veira i dālu izsyutejumu spaidu dorbūs tik daudz izcītūšajai Konstāncei. Prūtams, vysvai-ra myusim, kas nu sovys viesturis apzynōšonys var smeļtīs spēku i dziļōku vierteibu izpratni reitdīnai.

M.L.

Fraņcis i
Konstance Kempī
1918.g. Rēzeknē

